

張仲景先生

傷寒一百十三方發明

五



陶隱居名醫別錄合藥分劑法則

古秤惟有銖兩而無分名今則以十黍為一銖

約今四分

一厘七毫

六銖為一分去聲四分成一兩十六兩為

一觔

東垣曰六銖為一分即今之二錢半也二十

即今之六錢半也

今方家云等分者非分兩之分謂諸藥觔兩多少

皆同爾多是丸散用之

丸散云刀圭者十分

平聲

方寸匕之一准如梧桐子

大也方寸匕者作匕正方一寸抄散取不落為度



五七者即今五銖錢邊五字者抄之不落為度一

撮者四力圭也

凡即匙也

藥以升合分者謂藥有虛實輕重不得用觔兩則

以升平之十撮為一勺十勺為一合十合為一升

升方作上徑一寸下徑六分深八分內散藥物按

抑之正爾微動令平爾

時珍曰古之一升即今之二合半也

凡湯酒膏藥云吹咀者謂秤畢搗之如太豆又吹

去細末藥有易碎難碎多末少末今皆細切如吹

咀也



凡丸藥云如細麻者卽胡麻也不必扁扁略相稱
爾黍粟亦狀云如太麻子者准三細麻也如胡豆
者卽今青斑豆也以二大麻准之如小豆者今赤
小豆也以三大麻准之如大豆者以二小豆准之
如梧桐子者以二大豆准之如彈丸及雞子黃者
以四十梧子准之

凡方云巴豆若干枚者粒有大小當去心皮柞之
以一分准十六枚附子烏頭若干枚者去皮畢以
半兩准一枚枳實若干枚者去穰畢以一分准二

枚橘皮一分准三枚棗大小三枚准一兩乾薑一
累者以一兩爲正

凡方云半夏一升者洗畢秤五兩爲正蜀椒一升
三兩爲正吳茱萸一升五兩爲正兔絲子一升九
兩爲正菴藸子一升四兩爲正蛇牀子一升三兩
半爲正地膚子一升四兩爲正其子各有虛實輕
重不可秤准者取平升爲正

凡方云用桂一尺者削去皮重半兩爲正甘草一
尺者二兩爲正云某草一束者三兩爲正云一把

者二兩，爲止。

凡方云蜜一斤者有七合，猪膏一斤者有七升二合也。



喻嘉言先生傷寒挾疑十五則

新安程雲來問

一問凡陰病見陽脉者生陽病見陰脉者死而有曰
病人若發熱身體疼病人自臥其脉沉而遲者知其
差也曰沉曰遲非陰脉乎豈亦有陽病見陰脉而
愈耶

答曰凡陰病見陽脉者生陽病見陰脉者死此二語
乃傷寒脉法喫緊太綱如漢法三章九爲律令之
祖至其比例詳情自非一端可盡如厥陰中風脉
微浮爲欲愈不浮爲未愈是陰病貴得陽脉也如

妄言譏語脉沉細者死脉短者死脉濇者死是陽
病惡見陰脉也又如太陽畜血病六七日表証仍
在脉微而沉反不結胸其人發狂者下血乃愈此
亦陽病見陰脉仲景復推出可生之路見六七日
太陽之表証仍在自當現大浮數動滑之脉設其
人脉微而沉自當比動數變遲之條而證成結胸
今乃反不結胃者明是陽邪不結於太陽之經而
結於太陽之府也膀胱之有果真畜血勢必發狂
而成死症計惟急下其血庶結邪解而乃可愈耳

今人但疑抵當湯爲殺人之藥而孰知亟奪其血
正所以再生其人乎又如厥陰下利寸脉反浮數
此陰病得陽脉本當愈者設其人尺中自濇則是
陽邪陷入陰中其浮數之脉爲血所持而不露也
然陽邪既陷入陰寸脉不加浮數則陽邪亦屬有
限今寸脉反浮數則其在裏之熱熾盛難除更可
類推故知其必圉膿血而成半死半生之症也合
兩條論之上條可愈之故全在陰脉見脉既轉陰
陽邪原有限也下條難愈之故全在陽脉見陽邪



既從血下出陽邪不盡血必不止萬一血盡而陽邪未盡能免脫陰而死乎可見陰病陽病二語特舉其大綱至微細聽人自會耳太綱云者謂症屬於陰其脉反陽必能鼓勇以却敵症屬於陽其脉反陰必難嬰城以固守故得清弱弦微之脉者其人氣血精津未病先虧小病且難勝况能勝傳經之熱病哉尊問疑陽病見陰脉亦有愈者茲正太微之關但所引病人若發熱一段此不過驗病之法耳謂病人若發熱身體疼到診脉時其人安臥



則不見有發熱身疼之苦矣。加以脉沉而遲，表邪又未入裏，其從外解無疑，所以知其差耳。

一問從霜降以後，至春分以前，凡有觸冒者，名曰傷寒。餘時則非傷寒也。其有曰立夏得洪大脉，是其本位，其人身體苦疼重，須發其汗，非傷寒而何？

答曰：冬月傷時令之寒，春月傷時令之溫，夏秋傷時令之暑濕熱，此四時之正病也。然夏秋亦有傷寒，冬春亦有傷暑傷濕，乃四時之客病，所謂異氣也。此段叮嚀，仲景特於濕家不可發汗之外，另贅一

義蓋以夏月得洪大脉是心火之本脉其人身體
 苦疼重又似濕土之本病恐後學悞遵濕家不可
 發汗之條故以此辨析之耳見濕病雖夏月脉必
 濡弱不能洪大且額上有汗非如傷寒病腠理閉
 密卽在夏月亦必無汗之比也又見洪大既爲夏
 月本脉斷無當暑汗不出而身體疼重之理也兩
 相比照則其疼重仍係太陽經傷寒無疑但在夏
 月受邪原微見證亦稍輕令人難辨故於脉法中
 析此太疑以昭成法爲慮抑何周耶可見不但冬

春正病有汗爲傷風無汗爲傷寒卽夏秋正病有汗爲傷暑傷濕無汗仍爲傷寒。於脉辨證了然明矣。

一問陽病從寅而解於戌陰病從亥而解於寅是陽得陽解陰得陰解而有曰陽病解於夜半陰病解於日中何也。

答曰陽得陽解陰得陰解者此從其經氣之王也。如少陽王於寅卯辰太陽王於巳午未陽明王於申酉戌太陰王於亥子丑少陰王於子丑寅厥陰王

於丑寅卯是也。各經皆從其王。少陰獨從其本者。少陰腎中內藏真陽子時一陽生。葭管灰飛。冬至春回。暘谷丑時二陽寅時三陽。陽進陰必退。陽長陰必消也。且天一生水。子水生地。卽是王地。故少陰欲解獨從之也。然三陽之解從寅卯而始。二陰之解從寅卯而終。寅爲生人之首。卯爲天地之門。戶亦陰陽如環之理也。但三陽之王時九。各不相襲。三陰之王時五。逐位相連。可見陽行健其道長。故不相反。陰行鈍其道促。故皆相躡也。於此見仲



景析義之精以述爲作矣何也陽病解於夜半陰
病解於日中者內經之旨取陽見陰陰見陽兩相
和協之義也。然而陰陽之和協與否惡從知之故
陽病必於陽王之時先現欲解之機然後夜半而
輕安也。陰病必於陰王之時先現欲解之機然後
日中而輕安也。先聖後聖寧非一揆也哉。
一問汗多則熱愈凡桂枝麻黃二湯俱取微似有汗
不令汗多汗少則便難少則津液未竭何爲便難
也。

答曰太陽病非汗不解然汗法中每伏亡陽漏風種
種危候所以服桂枝麻黃湯但取微似汗慮陽氣
素薄之人得藥而汗出不止也至於陽明胃經爲
津液之府邪熱內入津液隨卽外越者最多不但
陽氣虛不可過汗卽陽氣素實亦不可過汗所以
陽明致戒云陽明實因發其汗出多者亦爲太過
太過爲陽絕於裏亡津液大便因鞭也從前不解
陽絕爲何事不知正指津液內竭而言卽無陽之
互文也所云汗多則熱愈汗少則便難乃脈法後

